

## آبوتہ شرائطی

ممالک عثمانیہ ۶۵ سنہ لکی (۶۵)، آلتی  
آیلغی (۳۵) غروشدر .  
ممالک اجنبیہ ۱۷ سنہ لکی (۱۷)، آلتی  
آیلغی (۹) فرانقدر .

## اداره خانہ

باب عالی جادہ سندہ دائرہ مخصوصہ

## افطارات

آبوتہ بدلی پشیندر .

§

مسلكه موافق آثار مع المصنویہ قبول  
اولنور . درج ابدلہین یازیلر اعادہ  
اولونماز .

# الذکر

۱۳۳۰

دینی ، فلسفی ، عامی ، ادبی ہفتہ لقی مجموعہ اسلامیہ در .

صاحب و مدیر مسئول

اشرف ادیب

باش محرر

محمد طاہر کف

واللہ یهدی من یشاء الی صراط مستقیم

اتبعون اهدکم سبیل الرشاد

نمازه اوصافناز ، بیقماز بر شوق و اهتمام ایله مسارعته ، فقرا و ضعفایه رحیمانه ، مشفقانه بذل کرم و سخایه تشویق و ترغیب اییدیور .  
 ثالثاً : بوعلوی و روحی اساسات دینه واجتماعیه اوزرینه مبنی اولان حریت و استقلال ملی نك محافظه سی ایچین شجاعت و شهامت کبی مزایای قهرمانی به مالکیتی کمال اهمیتله توصیه اییدیور . دیورکه : بالعموم مسلمانلر بوتون شمول معناسیله بر وجود ، بر روح ، بر فکر ، براملدر . دیورکه : مسلمانلر ، غیر انسانی ، غیر اجتماعی ، غیر مدنی بوتون مساوی اخلاق و افعالدن منزهدر . دیورکه : مسلمانلر کافه مکارم اخلاق و محاسن افعال و اعمالک علوی بر مجموعه فضائل و فواضیلدر . دیورکه : مسلمانلر جمعیت و ملتیرینی ، وطنلیرینی ، حریت و استقلاللیرینی مدافعه و محافظه امرنده هربری بر شجاعت مجسمه ، بر شهامت ذی حیاطدر ؛ وجود جمعیتلرینک ؛ - ولواک کوچک - بر عضویتنه بر تجاوز و وقوعنده در حال هپسی بر دزد دشمنلری اوزرینه ارساللر کبی صالدیروب قهارانه انتقاملیرینی آلیرلر ، ذلت اسارت و مسکنته دینلیرینی ، وطنلیرینی ، استقلاللیرینی دشمن ایاغی آلتنده کورمکدن صوک نفرلیرینه قدر ثولمه کی ، بلاتردد ، ترجیح ایدرلر .

مسلمانلر ، تجزی و انقسام قبول ایتمز بر وجود توحید و اتحاد اولدوغنه کوره ایشته بو هول انکیز کونده دین و قرآنک اک عقور ، اک چیلغین ، اک مهین دشمنلری قلنجلیرینی او مقدس وجودک باشنه ، خلافت جلیله محمدیه ( علیه الصلاة والسلام ) حواله ایتمیلر . بوقلیجلره قارشى سپرلک وظيفه سنی ایضا ایده جک ، بوقانلی جلاد آلیرینی لوندیره نك ، پارسک ، پترسبورغک ، قضا لری اوزرنده پارچه لایاجاق آنجاق او وجودک قوتلی الیریدر . بر انسان ، باشنی الیریه مدافعه یه چالیشیر دکلی ؛ او ، باش کیدرسه بوتون وجودی روح اولاراق خاک مذلته سریلیر . ایشته رأس خلافتک الیری ریوزنده کی بوتون اهل ایماندر .

بنی و تجاوز خلافت مقدسه اسلامیه اولونجه مال و جان ایله انتصار و انتقام آفاق وظيفه سی بلا استثنا عموماً اهل اسلامه عاندر . اوچوز سنه در روسلرک ، فرانسلرک ، انگلزلرک ، چین معصوم اسلامیه سوردوکلری ایکنج اسارت و مذلت لکلری ، نهایت بوقهار انتقام الهی کونده ینه کندی قانلریله تمیزیه جکلر . اوچ عصردر کسوب دوغرادقلری ملیونلرجه مسلمانلرک معصوم قانلیرینی کندی قانلریله ثوده یه جکلر . اولو تکرری ( جل شانہ ) ازلی وارلغنی ، بی نهایت قدرت و عظمتنی شو حرب عمومی ایله منکرلیرینه قارشى بر داها کوستریور . « انار بکم الاعلی ... » دین فوعونی تنظیر و تقلیده چالیشان موسقوف چارلغنه ، ذات پاک احدیتنه قارشى اعلان حرب ایچون بابل قوله سنی کوکلره یوکسلتمک چالیشان نمردک نسخه ثانیه سی بریتانیا حکمدارلغنه ، کوکلر یرلره دوشسه سونکولریله

توقیفه مقتدر اولدوکلری ادعای مجنونانه سیله قورولان نانکور فرانسیه قارشى نقاب قهر و جلالتی رفع ایتمش ، غضب و لعنت بیلدیریملری یاغدیریور . عبادینک فوقنده ناصل بر قاهر مطلق اولدوغنی بو آرزیناره کوستریور .

قورقالم اخوان دین ! جناب حقتک بر خروشان طوفان قهر و انتقامندن قورقالیم . امرینه ، امر اکبر جهادینه مانزله ، جانزله قوشالم . بوکون شو اوج بووک دشمن دینک ، موجودیتلری اوزرینه دوشن ایشته او طوفان قهر و جلالتک برصاعقه خاتان سوزیدر . بز فرمان جلالته قارشى لاقید قالیرساق او ، بزیده برصاعقه قهریله یوق ایدر . و دین حقنی اهلیله یاشاتیر . حلم الهی شاقیه کلز . بونی سوء استعمالده حدلیرینی فرسخ فرسخ تجاوز ایدن ازغینلرک ایشته هول انکیز ماقتلری ! ( انیشا یدهبکم ایها الذین ویات باخرین و کان الله علی ذلک قدیراً . = اکر الله ایسترسه سزى بر آنده اذهاب و افنا ایدر ، ای انسانلر ! ویریکزه باشقه لیرینی کتیریر . بیلمش اولیکزکه الله ، بوافنا واعدامه ، بواججاد و احیایه قادردر . »

محمد فخر الدین

### حدیث شریف

#### حدیث شریف

عن ابن عباس رضی الله عنهما قال سمعت رسول الله صلی الله علیه وسلم یقول عینان لاتمسهما النار عین بکت من خشية الله وعین بات تحرس فی سبیل الله .

#### مآل شریف

ابن عباس رضی الله عنهما ک شویله دیدیکی روایت اولونیور : رسول الله صلی الله علیه وسلمدن ایشیتدم ، بوور یوردی که : ایکی کوزه جهنم آتشی طوقونماز . بری خشية اللهدن طولای آغلایان ، دیکری الله یولنده بکجیلک ابدن کوز . حدیث شریفک راویسی ترمذیدر . ابویعلی ایله طبرانی ده بومآلده بر حدیث شریفی انس بن مالک رضی الله عنهدن روایت اییدیورلر .

#### حدیث شریف

رباط بوم وليلة خیر من صیام شهر و قیامه وان مات فیہ جرى علیه عمله الذی کان یعمل واجرى علیه رزقه وامن من الفتن .

#### مآل شریف

برکون برکیجه مرابط قالمق ( یعنی اعداء دینه قارشى حدود بکجیلکینی ایتمک ) برآی صائم وقائم اولمندن خیرلیدر . بری مرابط ایکن اولورسه یایدینی ( خیرلی ) عملک ثوابی ( قیامته قدر کندیسنه

اعلانیه روی زمینده موجود اولان اهل توحیدک طرف اشرف  
خلافتپناهیلرندن شو فریضه دینییه ایفایه دعوت بو یورولمه سی ، نور  
نوارینک قیامته قدر بقاسی تبشیر الهمیسیله مبشر اولدیغمنز خلافت  
جلیله اسلامیه نك هم حق و هم ده وظیفه سی ایدی . بویله بر امر  
عظیم ومهمك فتاوی شریفه شریعت غرایه موافقت واقترانی سلطنت  
سندیلرینک علو شانسه واسلامك فلاح ونجات قریب ومستقبلنه دلیل  
انخاذا ایدلسه احرادر .

مسلمانلر ایچون جهاد ، فتح وتخریب بلاد و اهلاک ام وعباد  
ایچون دکل ، آنجق حایه حق ایچون فرض قلند یغنه و بر بوزنده بوزلرجه  
ملیون نفوس اسلامیه موجود ایکن دوام حکم اسلام اک بویوک بر  
حق اولدیغنه و بو حقت ادامه واقامه سی ایسه هر کسندن اول عثمانلیله  
ترتب ایتدیکنه کوره اسلامك عزتی نامنه سلطنت سندیلرینک بقاسی  
ووطن عزیزیمزك محافظه سی یه لنده بذل نفس ونفیسه جمله مملکت  
خلقتک هر زمان آماده بولوندیغنه ، سفررک امرینه عموم ملتک کمال  
خواهشله کوستردیکی اجابت و اظهار ایتدیکی آثار غیرت بر دلیل باهردر .  
ایشته بو حقت اعلامی و وظیفه دینییه نك ایفاسی ایچون  
عصرلردن بری اعدای اسلامه قارشى مجاهدیه تشنه اوله رق دولتمزه  
امداده حاضر و بزدن استمداد ایله آنجق دعوت خلافته منتظر بولونان  
اوج یوزمیلیون مسلمانك جانب جلیل خلافتپناهیلرندن مذکور اوج  
دولت ایله معاونلری علیه اعلان اولونان جهاده در حال اجابت ایدم چکی  
شمدی به قدر کورلمکده اولان آثار یله ظاهردر .

اردو و دونامعزك دشمنلره قارشى کوسترمکده اولدقلری آثار  
شجاعت و بسالت موروث اجداد اولان قهرمانلغك شو دقیقه مهمه ده  
تکرار جانلاندیغنی کمال فخر ایله تجلی ایتدیرمکده در . مجلس ملیمنز  
بالجه مذاکرات ومقرراتنده عین حس وفاق واتحاد ایله مشحون  
اوله رق بو آن مهم تاریخیده وظیفه سی حسن ایفایه ساعی اوله جقدر .  
محافظه حق وعدل ایچون سلاحه صاریلش اولان دولت علیه  
عثمانیه ایله دعوت جهاده اجابت ایله یین مجاهدین اسلامییه و معظم  
متفقریمز آلمانیا و آوسنیا و مجارستان اردولرینه ختاب حقتک بخش  
نصرت و فتوحات ایله چکنه اعتقادمنز برکالدر .

هیچ بر اساس حق وعدله مستند اولمایان وموجودیت عهدیه سی  
بیله قلمایان عهد عتیقه نك الغاسی مملکت ایچون محض خیر وحکمت  
وشایان تجلیل بر موقیتندر .  
دولتمزله مناسبات حسنه محافظه ایتمکده اولان دول معظمه  
وحکومات سائره وبالخاصه قومشومن بولغارستان ایله روابط دوستانه مزك  
ادامه سی مجلسمزجه اقدام آمالدر .

هر حال وکارنده عون الهی یی پناه وروحانیت پیغمبری یی مددکاه  
انخاذا ایدن مجلس اعلان بو یورلمش اولان جهاد مبارکی تقدیس ایله  
مظهر توفیقات ربانیه اوله لری دعاسنی تکرار ایلر .

متادیا ) احسان اولونور . ( شهدایه موعود اولان ) رزقبری  
ویریلیر . وقتنه قبردن امین قالیر .

حدیث شریفی روایت ایدن سلمان فارسی رضی الله عنهدر .  
مخرجلری مسلم ، ترمذی ، نسائی و طبرانیده ( وبعث یوم القیامه  
شهیدا = قیامت کونی ده شهید اولارق بعث اولونور ) زیاده سی ده  
واردر .

### حدیث شریف

من انفق نفقة فی سبیل الله کتبت بسبعمائه ضعف .

#### مآل شریف

هرکیم الله یولنده صرف و انفاقده بولونور سه صرف و انفاق ایتدیکی  
شی یدی یوز مسلیله حسابنه کچیریلیر .

حدیث شریفک را ایسی خریم بن فاتک رضی الله عنهدر . مخرجلری  
نسائی ، ترمذی ، ابن حبان و حاکمدر . احمد نعیم

## عریضه جوابیه

شوکتآب و خلافتپناه افندمنز حضرتلری

بر آی تأجیلدن صوکره مجلس ملینک برنجی دوره اجتماعیه  
عادیه سنی عون حقله کشاده موفقیت شهریاریلرندن دولایی مجلسمز  
خاکبای شاهانه لرینه عرض تشکرات و تبریکات ایلر .

یاد الهی یورکاریمز صیرلانان بالقان مصائبک تلافیسی ایچون  
اصلاحات و قیات داخلیه منزی تامین ایله مشغول اولدیغمنز بر صره ده  
آوروپاده ظهور ایدن حرب عمومی اوزرینه حکومت سندیلرینک  
- هر آن وزمان سببمز و حقسنز تجاوزانه معروض اولان - حقوق  
ومنافع سیاسیة عثمانیه و اسلامییه یی محافظه وتأمین ایتک اوزره عموم  
قوای بریه و بحریه عثمانیه یی سفر بر حاله وضع ایتسی و جابیدن ایدی .  
بو فریضه نك وقتیه و حقیله یرینه کتیریلش اولمه سی کتاب موفقیات  
جلیله خلافتپناهیلرینک فصول شمشعه دارندن بری عد اولونسه بجادر .  
دولت علیه بیطرفلغنی اعلان واونده ثباته عنزم ایله مش ایکن  
اوتهدن بری اسلامیته و عثمانلیقه دشمن بر سیاست تعقیب ایله یین روسیه  
وانکلتره و فرانسه دولترینک فعلاً مخاصمانه دوچار اولمه سی اوزرینه  
توفیق ربانی و امداد روحانیت پیغمبری یه استناداً حال حرب اعلان  
ایله مش و بو صورتله صلحک اخلاندن ترتب ایدن مسئولیت معنویه دن  
دولتمز وارسته قلمشدرکه بوده کبردیگمنز شو معرکه ده بزم ایچون حسن  
عاقبه براعت استهلال اوله جق الطاف لدنیة رحمانیه دندر . مسلمان  
دشمنلرینک سلطنت سندیلرینه متفقاً هجوم ایتدکاری بر زمانده جهاد